



# ՀԱՄԻ ՍԱԽՅԱՆ

## Փնտրում ես դու

Փնտրում ես դու ինչ-որ հանցանք,  
Հեզնում ես ինձ ու չես ներում,  
Բայց կա ինչ-որ մի կարեկցանք  
Քո հեզնական ժպիտներում:

Հեզնում ես ինձ ու նախատում,  
Բորբոքում ես կոիվ ու վեճ,  
Բայց կա ինչ-որ մի քաղցրություն  
Քո դառնագին խոսքերի մեջ:

Ա՛խ, հոնքերդ ես հաճախ կհտում,  
Նայում ես ինձ այնպես մռայլ,  
Բայց կա ինչ-որ քնքշություն  
Քո անողորք դեմքի վրա:

Հաճախ այնպես խայթում ես դու,  
Սրտիս այնպես վիշտ ես բերում,  
Բայց կա ինչ-որ մտերմություն  
Քո այդ օտար հայացքներում:

Մերթ փարվում ես ինձ հովի պես,  
Մերթ հողմի պես ինձ շարշարում,  
Ա՛խ, երբ այդպես շոյել գիտես,  
Էլ ինչո՞ւ ես ցավ պատճառում: